

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

- 1- एशियाई खेड्डें च भारत दा अजें तोड़ी दा बेहतरिन प्रदर्शन, कुल 107 तगमें हासिल करने पर प्रधानमंत्री हों खडारिणं दी बड़ी मती सराहना कीती।
- 2- केंद्री मंत्री नितिन गडकरी हों आखेआ ऐ जे जम्मू-कश्मीर च बेहतरिन सड़क ढांचा उपलब्ध कराने दा वादा केंद्र सरकार नै पूरा करी दस्सेआ ऐ।
- 3- लद्दाख खुदमुख्तयार पहाड़ी विकास कौंसल करगिल दे चुना च नेशनल कांफ्रेंस ते कांग्रेस दे गठबंधन दी शानदार जित।
- 4- श्री माता वैशणो देवी जातरा लेई हैलीकाप्टर सेवा दे कराणं च कल्लै थमां बाददा कीता जा'रदा ऐ।
- 5- ते केंद्र सब्बनें राज्यें ते केंद्र शासत प्रदेशें दे सहकारिताएं दे कम्प्यूटरीकरण लेई इंदे रजिस्ट्रारें गी विशेष फंड जारी करोग।

<><><><><><>

PM-Asian Games

प्रधानमंत्री नरेंद्र मोदी हों एशियाई खेड्डें च भारती खडारिणं दे बेहतर प्रदर्शन पर खुशी जाहिर कीती ऐ। सोशल मीडिया पर अपने इक स्नेह च श्री मोदी हों आखेआ जे भारत नै इस बारी

एशियाई खेड्डें च हुनै तगर दा सर्वश्रेष्ठ प्रदर्शन कीता ऐ। उनें आखेआ जे भारत नै इस बारी एशियाई खेड्डें च हुनै तगर सब्बनै थमां मते 73 पदक जिते न।

Nitin-Gadkari

सड़क ट्रांसपोर्ट ते जरनैली शिडकें सरबन्धी केंद्री मंत्री नितिन गडकरी होरें आखेआ ऐ जे प्रधानमंत्री नरेंद्र मोदी हुंदे दूरदर्शी नेतृत्व तैहत सरकार नै जम्मू कश्मीर च बेहतरीन जरनैली सड़क ढांचा उपलब्ध कराने दा अपना वायदा पूरा करी दस्सेआ ऐ। एह गल्ल मंत्री होरें जम्मू श्रीनगर राश्ट्री जरनैली सड़कें पर 395 मीटर लम्मी डबल लेन मरोग सुरंग कन्नै 250 मीटर डबल लेन पुलै दे कम्मै दे कामयाबी कन्नै पूरा होई जाने बारै जानकारी सांझी करदे होई आकखी। मंत्री होरें अगगे आखेआ जे बड्डे प्रोजेक्ट दे इक्क हिस्से दे तौरा पर 645 मीटर दा एह हिस्सा ना शड़ा सफर गी 200 मीटर घट्ट करोग सगुआं एहदे नै खड़ी चढ़ाई ते त्रिकखे मोड़ें आले रस्तेआ जाने दी बी लोड़ नेई होग ते एहदे नै ल्हास पस्सिएं दे खतरे आले इलाके जिसी सीताराम पस्सी आकखेआ जंदा ऐ, उस इलाके च जाए बिजन बाहरो-बाहर गड्डियां लंगी सकदियां न। उनें आखेआ जे इस सुधारात्मक बदलाव कन्नै इस क्षेत्र च आर्थिक विकास गी बढ़ावा थहोग ते कन्नै सैलसफा गी बी।

Ladakh-Results

लद्दाख खुदमुख्तयार पहाड़ी विकास कौंसल करगिल दे चुनाएं च नेशनल कांफ्रेंस ते कांग्रेस दे गठबंधन नै 5मां आम चुना पूरी अकसरियत कन्नै जिती लैता ऐ। 12 सीटां हासिल करिये नेशनल कांफ्रेंस इक्कली सब्बनै शा बड्डी पार्टी दे रूपै च उभरिए सामने आई ऐ जिसलै कि कांग्रेस गी 10 सीटें पर जित हासिल होई ऐ। 2019 च लद्दाख गी जम्मू-कश्मीर कोला बक्ख-

बकख इक केंद्र शासित प्रदेश बनाए जाने दे बाद उत्थे होए दे इस पैहले आम चुना च भारती जनता पार्टी गी शड़ियां 2 ते अजाद मेदवारें गी बी 2 सीटां हासिल होईयां न। लद्दाख खुदमुख्तयार पहाड़ी विकास कौंसल करगिल लेई 5मां आम चुना 4 अक्तूबर गी होआ हा। ऐकती इस चुना च 65 प्रतिशत मतदान दर्ज कीता गेआ।

Mata-Vaishno Devi

श्री माता वैश्वो देवी जातरा लेई हैलीकाप्टर सेवा कल्लै थवां मैहंगी होई जाग कि जे हवाबाजी सरबंधी कंपनी जेड़ी श्रद्धालुएं गी हैलीकाप्टर सेवा उपलब्ध करोआ करदी ऐ नै अपने कराएं च बाददा करने दा फैसला कीता ऐ। आकाशवाणी जम्मू संवाददाता दी रिपोर्ट मुजब कटड़ा थवां सांझी छत तगर जाने लेई श्रद्धालुएं गी होर पैसा देना होग। हवाबाजी सरबंधी कंपनी जिसी अगले त्रै बरे लेई एह ठेका हासिल होआ ऐ, हर व्यक्ति लेई इक भेठा दा कराया 2100 ते दौनें भेठा दा 4200 रपे करी दिता ऐ। पैहले एह टिकट 1820 रपे ही। हुन हैलीकाप्टर सेवा हासिल करने लेई श्रद्धालुएं गी 20 फीसद मता कराया देना होग।

<><><><><><>

Union-Minister-Samba

संस्कृति ते विदेश राज्यमंत्री मीनाक्षी लेखी होर अज्ज साम्बा जिले दा दौरा करडन। द'ऊं दिनें दे अपने दौरे दौरान ओह जिले दिएं केई परानिएं, एतिहासिक ते धार्मिक थारें दे विकास गी यकीनी बनाने लेई इनें थारें दा दौरा करडन। उंदा मकामी लोकें ते पंचैत मिम्बरें कन्नै मिलने दा बी कार्यक्रम ऐ। इस बारै जानकारी देआ रदे न स्हाड़े जिला संवाददाता।

<><><><><><>

Israil-Hamas

इजराइल ते हमास बशकार चलै करदे संघर्ष करी मरने आलें दी गिनतरी 1 जहार दे पार पुज्जी गई ऐ। तकरीबन 700 लोक इजराइल च मारे गे न जदकि 400 लोक गाजा च बी मारे गे न। इस संघर्ष च जहारां बद्दे लोकें दे जख्मी होने दी शँका ऐ। किश इलाकें च हमास दे हमले बाद मलबा हटाया जाना बाकी ऐ ते कुतै-कुतै जंग बी चलै करदी ऐ। एहदे करी मरने आलें दी गिनतरी बधी सकदी ऐ। बक्ख-बक्ख थाहें पर हमास ते इजराइली सुरक्षाबलें बशकार लड़ाई जारी ऐ। इजराइली फौज नै दावा कीता ऐ जे उन्नै अजें तगर गाजा च 800 शा मते ठिकानें पर हमला कीता ऐ।

Air-India

एयर इंडिया नै तल अवीव जाने आहली ते उत्थुआं औने आहली अपनी ब्हाई डुआरिं गी रद्द करी दिता ऐ। इक सोशल मीडिया पोस्ट च एयर लाइन नै दस्सेआ जे मुसाफिरें ते चालक दल दे सदस्यें दी सुरक्षा दे मददेनजर तल अवीव जाने आहली ते उत्थुआं औने आहली डुआरियां शनिवारें तगर रद्द रौहडन। एयर लाइन नै एह बी आखेआ ऐ जे उनें यात्रुं गी हर मुमकन मदाद करोग जिनें इस दौरान कुसै बी डुआर दी बुकिंग दी पुष्टि कीती ऐ।

<><><><><><>

Computerization of Cooperation

इक एतिहासिक फैसले तैहत केंद्र सरकारें महत्वपूर्ण गेंह पुट्टदे होई सब्बनें 28एं रराज्यें ते 8 केंद्र शासत प्रदेशें दे सब्बनें रजिस्ट्रारें सनें 13 राज्यें च कम्म करै करदे कृषि ते ग्रामीण विकास बैंकें दा कम्प्यूटरीकरण करिये उनेंगी सशक्त बनाने दा फैसला लैता ऐ। एह जानकारी सैहकारिता मंत्रालय दे इक प्रवक्ता आस्सेआ दिती गई ऐ। इस योजना दी कामयाब अमलावरी

यकीनी बनाने लेई परियोजना दी निगरानी सरबंधी केंद्री युनिट पी.एम.यू स्थापित कीता जाग। एहदे राहें लोकें गी राज्यें दे सहकारिता मैहकमे दिएं योजनाएं गी तुरत ते निर्विघ्न ढंगे सिर हासल करने च सखाल होग ते इनें इदारें दे कम्मकाज च पारदर्शिता यकीनी बनोग।

<><><><><><>

Dr. Jatinder Singh

केंद्रीय राज्यमंत्र डाक्टर जितेंद्र सिंह होरें डाक्टरें गी आर्टिफिशल इंटेलीजेंस ते नमिएं तकनीकें कन्नै अपने हुनरगी होर बेहतर करने लेई गलाया ऐ तां जे मरीजें दी दिक्खभाल सरबंधी चुनौतिएं कन्नै निब्बड़ेआ जाई सके। उनें नमीं तकनीकें गी अपनाने पर जोर पाया। एह गल्ल उनें कल बेंगलुरु च आयोजित समारोह दौरान आक्खी। पिछले 9 बरें च मेडिकल क्षेत्र च टकोहदी कार्रवाई होई ऐ। आयुश्मान भारत दुनिया दी बेहतर सेहत बीमा स्कीम ऐ।

<><><><><><>

Ramban-

अनाथ ते 18 बरें तगर दी गरीब कुड़िं दी दिक्खभाल लेई जम्मू-कश्मीर सरकार नै परिशाह घर कायम कीता ऐ जिसी हर जिले च समाज कल्याण मैहकमे आस्सेआ वातसल्य स्कीम तैहत चलाया जाग। रामबन दे जिला समाज कल्याण अफसर राहुल होरें इस केंद्र बारै जानकारी दिंदे होई आखेआ।

Fisheries Dept. Kathua

मच्छी पालन मैहकमे नै जम्मू-कश्मीर दे बेरोजगार युवाएं गी अपील कीती ऐ जे ओह मच्छी पालन कन्नै जुड़े दे उद्योग दी समर्थ नमें मौके तलाश, एह सैक्टर बदोने-मठोने आले सैक्टरें

चा इक ऐ। युवा प्रधानमंत्री मत्स्य योजना थवां लाह हासिल करिए अपनियां इकाइयां खडेरी सकदे न ते अपनी आजीविका कमाई सकदे न। मच्छी पालन मैहकमे दे सहायक निदेशक पवन शर्मा होरें बनी ब्लाक दे सरथल इलाके दा दौरा लाया ते उनें इस सैक्टर च हासिल मौके बारै बेरोजगार नौजवानें गी जागरूक बनाया। उनें दस्सेआ जे ट्राउट मच्छी च प्रोटीन हुंदा ऐ, ओहदी कीमत बी मती हुंदी ऐ ते औदी बजार च बड़ी मती मंग ऐ। इस मौके पर बोलदे होई सहायक निदेशक कठुआ होरें आखेआ।

APS-School Medal

आर्मी पब्लिक स्कूल उधमपुर दे विद्यार्थी प्रभदीप सिंह नै दक्खन अफ्रीका च खेड्डे गेदे 5में टिनखॉट विश्व कप च सुन्ने दा तगमा हासिल कीता ऐ। प्रभदीप सिंह नै भारत दी नुमाइंदगी कीती ऐ ते सुन्ने दा तगमा अपने नां कीता। एह प्रतियोगिता 29 सितंबर थवां 7 अक्टूबर 2023 तगर दक्खन अफ्रीका च होई। इस बारै होर जानकारी अचिन दुबे थवां।

<><><><><><>